

## **Terms and Conditions**

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

### Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

### Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100



eröffnen euch die warheyt. vnd verbirg nit vor euch die heymlichen rede. Do du bettest mit zehern vnd begrubest die todten. vnd liessest dz morgenmal. vnd verbargest die todten durch den tag in dein hause. vnd begrubest sie in der nacht. ich bracht dein gebett dem herzen. Vnd darumb das du warest anneme got. Do was es not. das dich die versuchung beweret. Vnd nu hat mich gesandt der herze. das ich dich gesünd machet. vnd saram das weyb deines suns erlöset von dem teufel. Wan ich bin raphael ein engel. einer von den sibben. die wir steen vor de herren. Vnd do sie hörten dise ding. sie wurden betrübt. vnd erschracken vnd vielen nider auff ir antlytz. Vnd der engel sprach zu in. Der frid sey mit euch. Nit wölt euch fürchten. Wan da ich woz mit euch durch den willen gotz. Ir ward gesehen als es ich. vnd tränck mit euch. Aber ich neuß die vnsichtbern speys. vnd das träck. das do mit magt werden gesehen von den menschen. Darumb es ist zeyt das ich widerkere zu dem der mich sandte. Aber ir geseged got. vnd verkündet all sein wonder. Vnd do er ditz het gesaget. Er ward genommen von irem angesiht. vnd sie mochten in nit sehen fürhin. Do vielen sie nider auff ir antlytz. vnd gesegenten gott. durch drey stunden. Vnd stunden auff. Vnd verkünten alle seine wonder.

### Das. XIII. Capitel. wye

der alt thobias gott anbettet. vñ künstige dig von der stat iherusalem prophetirt.

**U**nd der alt thobias tet auff seinen mund. er gesegent got. vñ sprach. O herze du bist groß ewiglich. Vnd dein reich ist in allen welten. wann du festigest vnd magst behalten. Du fürest zu der helle vnd widerfürest. vnd er ist nit der do empfliehe deiner hand. O ir sün israhel bekennet dem herzen. vnd lobt in in dez angesiht der heyden. wann darumb hat er euch erstrewet vnder die heyden. die in nit wissen. das ir verkündet seine wonder. vnd machet sie wissen dz kein and got ist almechtig on in. Er hat vns gekestiget vmb vnser missetat. vñ er wirt vns behalten vmb sein erbermbde. Darumb seht dy ding. die

er tet mit vns. vnd bekennet in mit vortcht vnd mit zytter. Vnd erhobt den künig der welte in ewern wercken. Wann ich will in bekennen in dem lande meiner gefencknuß. wann er zayget sein maiestat in das sündig volck. Darumb o ir sün der werdet bekeret. vnd thut die gerechtigkeit vor got. gelaubet das er thut sein erbermbde mit euch. Wann ich vnd mein seel werden erstrewet in in. All sein erwelten gesegen den herren. wircket die tag der freuden vnd bekennet in. Iherusalem du statt gottes der herze hatt dich gekestiget. in den wercken deiner hende. Bekenn dem herzen in deinen gutten dingen. vñ gesegen got der welt. das er widerbarre seinen tabernackel in dir. vnd widerruff zu dir all dy gefangē. vnd dz du dich frewest in alle welten der welt. Du wirst erscheynen mit dez scheynenden liecht. vnd alle ende der erden werden dich anbetten. Die geschlecht kumen von verz zu dir. sie bringen gaben. vnd anbetten den herren in dir. vnd sie werden haben deine lamnd in heyligkeit. Wan sie werden anruffen den grossen namen in dir. Vnd die dich verschmehe dy werden verflucht. die dich verspotten dy werden verdambt. vnd die dich haben die werde gesegent. Aber du wirst erstrewet in deinen sünen. Wann all werden sie gesegent vnd werden gesamelt zu dem herzen. Sie sein alle selig die dich lieb haben vnd sich frewen ober deine frid. Mein sele gesegen den herzen. wann der herze vnser gott hatt erlöset sein statt iherusalem von allen ire durchechtern. Ich würd selig. ob die beleybungen meines samens werden zesehen die klarheyt iherusalem. Die tor iherusalem werden gebawen. von saphir. vnd schmaragd. vnd von dem edeln gesteyn aller vñ kreys irer mauren. Von weyssem steyn. vnd von reynen. vnd all ir gassen werden gepflastert. vnd durch ir strassen wirdt gesungen alleluia. Gesegent sey der herze. der sie hat erhobt. das sein reich sey in den weltē der welt amen.

### Das. XIII. Capitel. Wö

dem alter thobie. wie lang er blindt blib. Vnd wie er seinen kindern von der umbkennung nimmue. vnd widerbarung des gelobten lands prophetiret.